



[www.BibleForChildren.org](http://www.BibleForChildren.org)




San Juan 14



Jet kowan pay nen Jesus ey, "Karekayo meshanagan; pamati kayo et son Apo Shiyos, tan pamati kayo ngo son si-kak. Shima dogad ja kad-an nen Amak, eshakil i pan-iyanan, jet ondawak ja en mengisekana ni pan-iyanan jo."



"No sajay ya inkowan ko ket, aliwén agpayso, istay ekak koma ikowan son si-kayo. No meksheng nga isaganak sotan na dogad ja pan-iyanan jo, on-oli-ak ali et al-en takejo, ta piyan kon shima kad-an ko ket si-kato ngoy pan-iyanan jo."



Si-kak si Juan ja kait jon emati son Jesus.  
Nan-i-inges kiton man-enos ja mekila-kam ni  
digat, nem angken tep nan-i-inges kiton

mekitewid ni pantoshayan  
ali nen Jesus.



Say sakey ya digat kon dina-kaman ko nontan da,  
inpalaw sha-ak shima ootik ka dogad ja naykawa  
shi baybay, ja kowan sha ey Patmos, tep


kabol ni katoded kon  
engitosho nonta esel




nen Apo Shiyos  
maypangkep so  
nen Jesus.




Kowan to, jet ebigla ja indaw towak nonta Ispirito shi dangit. Jet inon-an ko ma sota tongawan et nodtan, waray sakey ya timongaw.



Sajay i kowan sha, jet intenengan ko pay i esel ni emin  
na palsowa ja wáred dangit, shiya dobong, shima  
nayshalem ni bo-day, tan angken  
pay shima baybay, ja kowan sha  
ey, "Sota timongaw shima  
naykawen tongawan, tan sota  
Kalniro, si-karay kaykowanen ni  
semek min emin  
ingkatod ingka,  
tan wára pay  
son si-kara  
sota shayaw,  
tan sota  
panakabalin!"




Jet inon-an ko ali sota Siyodad nen Apo Shiyos, ja badon Jerusalem ja sa-dat nonta na-omas da. Edapo ali jay shi dangit, ja mapteng nga mayshedmang, ja singa sota biin nanbisti ni i-asewara so.






Jet nontan, wáray intenengan kon makedsang nga esel  
ja edapod ma empotin tongawan, ja kowan to ey, "Jet  
niman ma, sota dogad ja pan-iyanan nen Apo Shiyos,  
wára ma shi kad-an ni too! Si Apo Shiyos, meki-iyán  
son si-kara et si-kara may too to;


wára ma son  
si-kara et  
si-katoy etopog  
ga Shiyos sha."



Sota anghil, inpa-sas to son si-kak sota shanom ma emengi-kan ni biyag et sajay ya shanom, emandining ja singa sota kowan sha ey kristal. Edapo ali sotan na shanom nodta tongawan nen Apo Shiyos, tan nodta kad-an ni Kalniro.



Jet sotan na siyodad, eg to mese pol i sekit ono bolan na onsilew so, ta si Apo Shiyos ja emenenili tan sota Kalniro, si-karay onsilew so nontan na siyodad.




Nem no sota ira ngaaw i aramid  
to, ja ma-o-owap ono edogit i  
toka dagdag-a, eg ira  
mebedin na onsekep  
nodtan na siyodad.  
Say wára bengat  
nodtan, sota ira  
naysolat i ngaran  
sha nodta dibshon  
naysolatan ni ngaran  
ira nonta e'wad-an  
ni biyag ja enshiy  
to engintegán.




"Po-naren toy sayesha et enshi mala i metey; enshi pay i mandeshingit ono onnangis, tan enshi pay mala i ensakit. Ta sota sigod ja emengi-kan ni digat, enshi mala."




Jet sota toon engi-kan ni digat ni totoo nontan da shi  
dobong, enshi nodtan na siyodad, ta si Apo Shiyos,  
tan sota Kalniro, wára nodtan ja timongaw. Jet sota  
ira emansilbi son si-kato,  
manshedjaw iren  
mismo son si-kato.  
Jet asen sha sota  
dopa ton mismo  
et maysodat i  
ngaran to nodta  
temok sha.



Jet inon-an ko ira sota nanketey, ja nankengato tan nankebaba, ja dimayat ired sango-an nonta empotin tongawan. Jet wára iray dibshon na-okdag. Jet waray apil la dibshon na-okdag ja si-katoy naysolatan ira ni ngaran nonta nay-aknan ni biyag ja enshiy to engintegan.




Jet sota ira nanketey, no ngarantoy naysolat nodta ira dibsho ja aramid sha nonta wára ired biyag, si-kato ngoy kaybetayan ni panbenagan sha. jet sota toon enshiy ngaran shen naysolat nodta dibshon naysolatan ira nonta nay-aknan ni biyag, maykespig ira nodta singa baybay ya emanshedang ni olay.






Sota Ispirito Santo nen Apo Shiyos, tan sota totoon  
emati son Apo Jesus ja may-eshig ey esaw-en to di,  
kowan sha ey, "Kala!" Sota ira mengitneng niyay,  
ikowan to koma ngo ey, "Kala!"



Kalejo, si-kayon na-kew ni shanom, awat jo iya shanom  
ja emengi-kan ni biyag ja enshiy bayad to. Angken  
sipa ja makapiyan, ondaw ali.



Ta si Apo  
Shiyos, ensemek  
ton pasiya i totood  
ja dobong; isonga in-akan to ali sota  
saksakey bengat ta Anak to, say sota  
emin na memati so nontan na Anak  
to, eg meshosa ni ingkatod ingka,  
no diket may-aknan ira ni  
biyag ja enshiy to  
engintegangan.



### I-Roma 3:23

Ta sapasap ja nanbasol i toon emin. Enshiy en pimosin engonod nonta kowan nen Apo Shiyos, isonga emin na too, arawí ira nodta eshiyosan na ogadi ja istay piyan to komen dag-en sha.

### I-Roma 6:23

Isonga say sobadit ni basol, patey ingkatod ingka, nem waray dibshin i-akan nen Apo Shiyos so nonta ira wara son Cristo Jesus ja Apo tayo; si-kato sota biyag ja enshiy to engintegan.

### Hodiyos 9:27

Naykesheng ey angken sipen too, peshasan to ngoreshan ja metey ni pinsak, jet ikesheng nen Apo Shiyos i panbenagan to no meksheng men metey.



## I-Ipiso 2:8,9

Si Apo Shiyos, manangaasi, isonga insalakan shakejo maypangkep ni pamatiyo so nen Cristo. Aliwén sobadit ni dingkayon mapteng i inkaysalakan jo, no diket dibshin in-akan nen Apo Shiyos. Sajay i inpasing nen Apo Shiyos ta say enshiy ondastog ey say naysalakanan to, sota maypangkep ni dingka ton mapteng.

## I-Roma 10:9,10

Jet sajay sotan na esel: no ikowan mon mismo, ja eg mo ibaing, ey si Jesus bengat i Apom, tan pati-en mo ey si Apo Shiyos ket inpan-ongal to si Jesus, maysedakan ka. Ta no mismon si Cristoy wared nemnem mo ja pinatim, kosto-an toka nen Apo Shiyos; jet no mismon pa-amtam ngo shi eshom i inpamatim, maysedakan ka.



## San Juan 3:16,17

Ta si Apo Shiyos, ensemek ton pasiya i totood ja dobong; isonga in-akan to ali sota saksakey bengat ta Anak to, say sota emin na memati so nontan na Anak to, eg meshosa ni ingkatod ingka, no diket may-aknan ira ni biyag ja enshiy to engintegangan. Ta si Apo Shiyos, aliwén inbetkag to ali sota Anak tod ja dobong ja si-katoy mengigsheng ey meshosa iray totoo, no diket say isalakan to koma ira.



## 1 San Juan 5:11-13

Jet sotan na kowan nen Apo Shiyos, ja mesepol la pati-en, kowan to ey wáray in-akan ton biyag son si-katejo ja enshiy to engintegán, jet sajay ya biyag, may-ekan bengat so nonta ira memati son Jesus ja Anak to. Isonga sota ira memati son si-kato, wára son si-kara iyay ya biyag, nem sota ira eg memati son Jesus ja Anak nen Apo Shiyos, enshi son si-kara iyay ya biyag ja enshiy to engintegán. Insolat ko la iyay son si-kayo ja emati so ni ngaran nen Jesus ja Anak nen Apo Shiyos, say penigorado-an jo ey si-kayo, wáray biyag jon enshi to engintegán.



San Juan 14; 2 I-korinto 5;  
Inpa-Amta Nen Jesucristo 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Ibaloi Bible (ibl) © 1978, Wycliffe Bible Translators,  
Inc. All rights reserved.

<https://www.bible.com/en-GB/bible/2434/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

